

plantis diuersæ partes radix, scap<sup>o</sup>, flos, cortex, medulla, folia: quarum singularum quantumuis sint diuersæ temperies, suis quæq; facultatum proprietatibus exornatæ: an tamen ijs à toto diuisis sint præstò, non nihil in dubium vocari posse videtur. Expendamus remedium, quâ viuēs est, quâ vitâ priuatum. Quum enim vtroq; modo sua forma, tū vitæ, tum partium diuersarum harmoniæ, actionibus edendis præsideat, perquam ambiguum est, sint ne partes eius diuersæ proprijs formis insignitæ, & ad agendum opportunis facultatibus præditæ. Videtur id quidē excedere fidem, veritatemq; philosophicam: cum forma sublata, quæ inde pendeat facultas, actutum dispereat: singula tamē distinctiùs examinaturis secus videbitur. Etenim cùm quæuis actio à forma, ceu actu rei primo dependeat, damus libèter, totū *ἀνομοιομερές* simplex remedium & viuens & vitâ priuatum, legitimæ suæ formæ beneficio, actiones sibi conuenientes proferre: nec quicquã illarum primò & per se partibus constituētibus deberi. Testatur quotidianus vsus, animalia

*Dissimilare  
viuēs reme-  
dium, si di-*